



सानसेयारि बड'सा

सानसेयारि 'बड'सा' खरीरालाइयाव
स्मानज्यादि जिज्जो लोखा थानाय रायथाय, खन्थाय,
सल', सल'बाथा आरु दावबायादि थावनि, पार्क
बाइदिनि स्यायाव लिख्नाय लिख्निबाँ दैशाय ठरु।
सानसेयारि 'बड'सा' खरीरालाइया खेबखानानै
फोसावगोव।
बड'सायाव लिख्नायनि हुबा खालाम,
'बड'सा' खरी नोथां, जो बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Thursday ★ 13 June, 2024 Kokrajhar, BTC, Assam ★ Vol.- 34, Issue No.78 R.N.I. Regd. No. 40994/91, Assam Govt. Regd. No. IPRD.40/2006/3, ★ Rs.8/-

तामुलपुरआव 20
निफ्रायबो बांसिन
खुदिया मुजिरा
मावग्राफोरखौ बोखादों

राइज्यो सरकारा केबिनेट जथुमाव माखासे गोनांथार थांखि लादों

फरायसुलिफोरनो मुं थिसन्थाय अन्सुंथाय होनो थांखि लादों केबिनेटआ

तामुलपुर, 12 जून: तामुलपुर जिल्लानि भारत-भूटान सिमनानि दरडा मेला, खुमारिखाता बायदि ओन्सोलफोरनिफ्राय सा 21 निफ्रायबो बांसिन उन्दै मुजिरा मावग्राफोरखौ बोखानो हानायनि खौरां मोनाय जादों। एसिआरडि मुंनि एनजिअ फसंथानजों लोगोसे समाज अन्साइ बिफान, मुजिरा बिफान, खुदिया रेखाथि कमिटि, जिल्ला खुदिया रेखाथि (□ 5 बिलाइआव)

गुवाहाटी, 12 जून: दिनें खुंनय आसाम सरकारनि केबिनेट जथुमाव माखासे गोनांथार थांखिफोरखौ आजवो। केबिनेट जथुमाव आजवनाय थांखिफोरनि गेजेराव गिबि मन्थि निजुत मइना बिथांखिनि गेजेरजों फरायसुलि गोहोखौ गोखों खालामनायनि बिथिडव बांसिन गोसो होनायखौ नुनो मोनाय जादों। केबिनेट जथुमाव थांखि लानाय बायदियै गोजों



सोलोंथाइयाव फरायसुलिनि मुं थिसन्थायखौ बांहोनो थाखाय गिबि मन्थिआ निजुत मइना फरायसानो मुंथिसन्थाय अन्सुंथाय महरै रंखांथियारि

अन्सुंथाय होनो गनायथि होदों। बे बायदिनो गोजौसिन गेजेरआरि, डिग्री आरो पस्ट ग्रेजुवेटनि गिबि बोसोराव मुं थिसन्थाय सरकारि आरो भेन्सार सोलोंथाइ फसंथाननि फरायसुलिफोरा (नख'रनि जायथि जाया रंखांथियारि थाथाय) आथिखालाव बे बिथांखिनि थाखाय हारोंथाय गोनां जागोन। बे बिथांखिनि (□ 5 बिलाइआव)

बडलेण्ड सोमाव सारनायाव मुंख्लं
जानानाय न'खरफोरनि थाखायबो
साखिनि खथा खालामनाय जागोन: प्रमद



गसाइगाव, 12 जून: गसाइगाव महकुमानि सिडव थानाय रायमना माहारियारि पार्कनि साखाथियाव थानाय रायमना प्रेन्स क्लनि गेवला गेलेग्रा फोथाराव साननैनि हाबाफारि लानानै दुलाराय बर' फरायसा आफादिनि जर'खा थान्दै जथुममाजों (□ 5 बिलाइआव)

गाहाइ मन्थिआ दिनें
इटालिआव दावबायलांगोन

3थि खेब सरकारनि बेनो मदिनि
गिबिसिन गुबुन हादतआव दावबायहैनाय

गोदान दिल्ली, 12 जून: 3थि खेबनि थाखाय गाहाइ मन्थि महरै बिबान आजवखानायनि उनावनो गुबुन हादतआव दावबायहैनायनि थाखाय गाहाइ मन्थि मदिआ साखा-फारा जानायखौ नुनो मोन्दों। गाहाइ मन्थि मदिनि 3थि सरकारनि गिबिसिन गुबुन हादतआव दावबायहैगोनो जाबाय इटालि। जि-7 जथुममायाव बाहागो लाहैनो थाखाय मदिआ इटालिआव दावबायलांगोन। बेनि सोमोन्दै गुबुन हादतआरि बिबानगिरि बिनय महन (□ 5 बिलाइआव)



कक्राझार, 12 जून: दिनें 12 जून 1987 माइथायनि 12 जून एवा दिनेंनि दिनआवनो सोमावसारनाय हाबाफारियाव बाहागो लानानै गुवाहाटीनिफ्राय गिदिंबोफिन्नाय समाव दुथांफोरनि आखायाव एक्सुनि मावफारिया सुजित नार्जारिआ जिउ गोमानो गोनां जादोंमोन। बड'लेन्ड सोमावसारनायनि गिबिसिन मुंखौ सुजित



मुसलपुराव पाक्का लामा
लुनाय खामानिखौ बेखेवदों

मुसलपुर, 12 जून: बिटिआरनि सिडव थानाय बाक्सा जिल्लानि दिहिय बिटिसि बियाबाव गोबाव समनिफ्रायनो सोलिबोनाय मोनसे जंनया सुर्खांजानायनि लामायाव। जिल्ला सदर मुसलपुरनि खाथियाव थानाय कुन्नारि सकनिफ्राय दिघलडाड मेडिकेल सकसिम पाक्का लामा लुनायनि खामानिखौ दिहिय बिटिसि बियाबनि एमसिएलए घनथ्याम दासआ गदिनें बेखेवना होयो। बिथाड पाक्का लामा लुनाय खामानिखौ बेखेवनैनि दिहियनि सुकुमेरनि जैजाखौ सुर्खांनो गहा लानायनि थाखाय आसामनि गिबि मन्थि ड हिमन्त बिश्व शर्मा आरो बिटिसिनि गहाय मावफुं सोद्रोमा प्रमद बर'खौ साबायखरबाउहो (□ 5 बिलाइआव)

बर' बिजोंनि इयुनखौ लानानै बर' थुनलाइ आफाद आरो
बिटिआर सरकारनि गेजेराव सावराय जथुम

बर' थुनलाइ आफादनि मोनफ्रोमबो थांखि आजवनायखौ
मावफुंनयाव बिटिआर सरकारआ हेफाजाब होगोन: प्रमद बर'

बदरपुरआव 66
कौटि रानि फेग्रा
मुवाजों लोगोसे सा 3
दुंथाफोरखौ हमदों

गुवाहाटी, 12 जून: बदरपुर थानानि बे'खनाव थानाय लामाजुवा ओन्सोलाव बुधवार मोनाबिलिआव पुलिसआ ड्रग्सनि हेँथायै नायबिजिसंनय हाबाफारि सामलायनायखौ नुनो मोन्दों। डिआइजि पार्तशरति महन्त आरो एसपि पार्तप्रतिम दासनि दैदेन्यायाव एसटिएफ आरो करिमगन्ज पुलिसनि जु थायै नायबिजिरसंनय हाबाफारियाव गोबां बिबांनि फेग्रा (□ 5 बिलाइआव)

कक्राझार, 12 जून: बर' बिजों आरो सोलोंथाय आयदाखौ लानानै दिनें बर' थुनलाइ आफाद आरो बिटिआर सरकारनि गेजेराव मोनसे गोनांथार सावरायमेल जानानै थाडो। बिटिसि सेक्रेटारियेटनि सावराय नब्बाडव बिटिआरनि गाहाइ मावफुं सोद्रोमा प्रमद बर'नि नुजाथिनायाव बर' थुनलाइ आफादनि गाहाइ नेहाथारि निलकान्त गयारिनि दैदेन्याय



मोनसे थान्दै हन्जाय बर' बिजों आरो आथिखालनि बर'फोरनि सोलोंथाय थासारिखौ लानानै गोनांथार आयदाफोरनि सायाव

सावरायनाय जादों। दिनेंनि बे मेलयाव बर' थुनलाइ आफादिनिफ्राय बिटिआर सरकारिसिम गोबांथार बिथांखि मावफुं'नांगौनि थांखिलाइ देखादों। जर'खायै बर' बिजोंनि फरायसालिफोराव फरा-बिजाब जगानायनि जेंना, बर' बिजोंनि फरायसालिफोराव फोरोंगिरि थिसन्थाय, बिटिआर गोरोबथानि 6.3 दफा बायदियै भेन्सार फरायसालिफोरखौ सरकारि (□ 5 बिलाइआव)

बिपिएफनि सानै गोखों दैदेनगिरिफोरा
इउ पि पि एलआव हाबफैदों

कक्राझार, 12 जून: लकसभा बिसायख'थिआ जोबनानै थानायनि उनावबो फैबाय थानाय बिसायख'थिनि थाखाय गुबुन गुबुन राजखान्थि दोलो आरो आफादफोरनिफ्राय इउपिपिएल राजखान्थि दोलोआव जइन जाफैनाया सोलिबाय थानायखौ नुनो मोन्दों। लकसभा बिसायख'थिनि फिथाइ फोसावखानायनि उनाव बावैसो सान सिगां बिटिआरनि सा 8 गागि नोगोरारि आरो गोखों दैदेनगिरिफोरा इउपिपिएल दोलोखौ मोजां मोन्नाने हाबफैनायनि उनाव दिनें फिन



बिटिआरनि गाहाइ बेरेखा दोलो बिपिएफनि गुबुन सानै गोखों दैदेनगिरिफोरा इउपिपिएलआव जइन जाफैबावदों। कक्राझारनि चन्द्रपारायाव थानाय बिटिआरनि गाहाइ मावफुं सोद्रोमा प्रमद (□ 5 बिलाइआव)

बोथोर बिगियान बिफाना फिन दर 10
जिल्लाफोराव इयेल्ल' एलार्ट आरो दर 2
जिल्लायाव अरेन्ज एलार्ट फोसावदों



गुवाहाटी, 12 जून: बोथोर बिगियान बिफाना फिन राइज्योनि गोबां जिल्लाफोराव सांग्रांथि फोसावदों। 13 जून बृहस्पतिबिखरखालि बोथोर बिगियान बिफाना दर 2 जिल्लायाव अरेन्ज एलार्ट फोसावदों। बोथोर बिगियान बिफाना धुबुरि (□ 5 बिलाइआव)

बिटिआरनि समबाइफोरा
एनएफएसए माइरनि
दानआरि रोगाथाय बेसेनखौ
6 दानसिम मोनाखै

कलाइगाव, 12 जून: बिटिआरनि समबाइफोरा मोनसे गेदेरथार अलखदाव गोपलैदों होन्ना खौरां मोनाय जादों। मख'नो गोनांदि, बिटिआर उदालगुरि जिल्लानि गासै मोन 24 समबाइ समिटि लिमिटेडआ दिनें 6 दानसिमबो एनएफएसए माइरनि दानआरि रोगाथाय बेसेनखौ माइरनि कथा मोनैआव (□ 5 बिलाइआव)

अरांनि कलागुरु बिष्णु राभा डिग्री कलेजनि गोदान बिलिंड
लुफुंनयाखौ नायगिदिं हैदों मावफुं सोद्रोमा डू निलुत स्वर्गियारिआ

अरां, 12 जून: उदालगुरि जिल्लानि सिडव थानाय अरांनि कलागुरु बिष्णु राभा डिग्री कलेजनि गोदान कलेज बिलिंड लुफुंनया गोखैयै सोलिगासिनो दड। बिटिआरनि गाहाइ मावफुं सोद्रोमा प्रमद बर'नि दैदेन्याय सोलिफु बिटिआर सरकारआ बिटिआर हालामयाव सोलोंथायनि मान थाखेखौ जौगाहोनायनि थांखिजों (□ 5 बिलाइआव)



दरं-उदालगुरियाव
बरधान माइनि आबाद
मावनायनि दोहै

कलाइगाव, 12 जून: गुबुन गुबुन बोसोरजों रुजुनानै नायनायाव बे बोसोराव दरं-उदालगुरि जिल्लानि आबादारिफोरनि गेजेराव बरधान माइनि आबाद मावनायनि दोहैखौ बांसिन नुनो मोनाय (□ 5 बिलाइआव)

तामुलपुरनि दलंपार-रामेसुबुरि फोनांजाब लामानि
मथडा दैसानि पाक्का दालानि गात्रि थासारि

तामुलपुर, 12 जून: तामुलपुर जिल्लानि सिडव थानाय दलंपार-रामेसुबुरि फोनांजाब लामानि मथडा दैसानि सायाव थानाय पाक्का दालां थांनय बोसोराव दैज्जलं बोथोरनि दै बानाजों खहा जादोंमोन। दैसानि साहा-खोलायाव थानाय




मोननैबो रुगुआव हा खुरखानायनि जाउनाव लामाया दैसाजों खुरखाजदों। लोगोसे दैसानि उसिपावनाय दैया गोबां आबादारिनि आबाद फोथारफोरखौबो खहा खालामदों। दै बानाजों खहा (□ 5 बिलाइआव)

GAUHATI UNIVERSITY
Gopinath Bordoloi Nagar :: Guwahati - 781014
OFFICE OF THE SECRETARY::UNIVERSITY CLASSES, G.U.
POST GRADUATE ADMISSION NOTIFICATION
The Gauhati University Post Graduate Entrance Test (PGET)-2024 for admission to the Post Graduate Programmes under Gauhati University and its affiliated colleges for the Academic Session 2024-25 will be conducted at 10 (ten) different examination centres of North Eastern States of India as per the schedule given below :
IMPORTANT DATES
Opening of the online Application Form submission portal: June 15, 2024 (05:00 PM)
Last date for online submission of the Application Form: June 25, 2024 (11:59 Mid Night)
Date of PGET-2024: 9th July to 11th July, 2024.
Online Admission Form Link: <https://onlinegu.in>
For more information, please visit: <https://admissions.gauhati.ac.in/>
Sd/-
Secretary, University Classes, Gauhati University

MAKE FUTURE BRIGHT
ADMISSION FOR THE SESSION 2024-25
1. Bachelor of Physiotherapy (B.P.T.) : 4 Years & 6 Months Internship
2. Bachelor of Science (B.Sc.) also : 4 Years
3. Bachelor of Information Technology B.Sc. (IT) : 4 Years
Better to Study BPT/B.Sc. (IT) for Job Warranty 100%
Dr R. N. Sinha
Principal
Science College, Kokrajhar

उन्दैनिफ्रायनो लामा बारसनाय, सपिं थांनायनिफ्राय लानानै गासिबो गावनि खामानिखौ फोरोंग्रा हादत

उन्दैफोरखौ जों फरायसालियाव हगरनाय समसिम आरो बेनि उनावबो थारखो 8-9 मोनहैयोब्लाबो फरायसालि आरो गुबुन जायगा थामहिनबा न'निफ्राय बायजोआव थाडेब्लानो बिसोरनि रेखाथिखौ लानानै जिगा सियो आरो हारसिडे उन्दैफोरखौ थाहोया। थाडेब्लाबो गोसोआव गिलुं-गिलुं सानफलांबाय थायो आरो गोजोनै थानो हाया। नाथाय नोंथांमोनो बै दरसे हादतनि बाभ्रा फोरमायोब्ला फोथायनो गोब्राब मोनगोनदि, जेराव 4-5 बोसोर बैसोआवनो उन्दैफोर हारसिडेनो जेरावबो थाडे। सोमोनोथावदि, जाय बैसोआव



लानानै गिदिर-फिसा सपिं खालामनायसिम उन्दै गथ'आ एसेबो गिया। मानोना जापाननि बिमाफोरा बिसोरखौ होबथाया, साहस आरो थुलुंगा होयो। अदेबानि जापाननि फरायसालिफोरावबो उन्दै गथ'फोरखौ गावनि आधिंआव गसंथानायखौ आबुडेनो फोरुडे। बैयाव उन्दैफोरखौ फरायसालिनि साखोन-सिखोन खालामनाय आरो देहा-सोलेरनिफ्राय लानानै मेन्टेलिसिम डिडिफिलिन एवा आबुथिफोरखौबो फोरोंनाय जायो। बेनि जाहोनावनो बिसोरो जोबोर सांग्रां आखुनि एवा स्मार्ट जायो। □



जों गथ'फोरखौ आखायाव हमथाना एवा बामनानै लामाफोरखौ बारसहोयो बे समाव बैयावनि उन्दैफोर हारसिनो बाजारआव थाडे, गोनंथार मुवाफोरनि सपिंबो खालामहैना फैयो। जापानआव 1990 माइथायाव रिलिज जानाय सिरिज 'हाजिमेट न' अटसकाइ'आव गिबि खेब उन्दैफोरखौ एसेबं आरामै न'निफ्राय बाइजोआव थांनाय दिन्थिनाय जादों। मिरिजनि 20 एपिसडआव उन्दै गथ'आ हारसिनो सुपार मर्केटनिफ्राय सपिं खालामो, फ्रुट जुस बानायो आरो लामा बारस'नायबो नुनो मोनो। बियो गासिबखौबो बिमा-बिफानि मदत गैयाजासेनो खामानिफोरखौ मावना लायो। न'नि मुवा-बेसादनिफ्राय

खोला करियाआव देग्लायनि गिबिसिन बांग्रि मावदों

सियल, 12 जुन : खोला करियाआव गोखौं बांग्रि मावदों। बे बांग्रिखौ खोला-सोनाब काउन्टि बुआननि साखाथियाव थानाय ओन्सोलाव मोन्दाथिदों। बोथोर एजेन्सिया बेनि खौरां होयो। खोला करियाआव मावनाय बांग्रिनि गोखौंथिखौ 4.8 रिक्टर सुनानै मोन्दां आरो बेखौ सोलिफु 2024 आव हादतआव मावनाय बरनिखुडुबो गोखौंसिन बांग्रि होन्ना बुनाय जादों। अदेबानि बे बांग्रि मावनायनि उनाव गिदिर ख'हा जानायनि जेबो खौराङ्ग सोराङ्ग



फेयाखै। नाथाय बांग्रिनि जाहोनाव बुआनआव न'नि इन्जुरफोरा गावनाय आरो गोजाम इन्जुरफोरा बायना गोग्लैनायनि खौरां मोन्तो हादों। मख'जाथावदि, बांग्रि मावनायनि

जायो। बेनिफ्राय 5.5-6 रिक्टरनि बांग्रिखौ एसे गिखंथाव होन्ना गनायनाय जायो। फारसेथिं 6 निफ्राय 7 रिक्टरनि बांग्रि मावोब्ला गिखंथाव होन्ना गनाय जायो मानोना बे बिबानि बांग्रि मावनायाव गिदिर ख'हा जानायनि आसा थायो। बेनि अनगायै 7 निफ्राय 7.9 रिक्टरनि बांग्रिखौ गिखं'थावसिन होन्ना गनायनाय जायो, जेराव न'-बां बायनानै गोग्लैनाय, हा गावस्नानाय बायदि गिदिर जाथाइफोरा सोमजियो। □

जिउनि बुब्लियाव

बे जिउ दानो दं दानो गैया गोसोम-गुफुर गाबनि साया माबोला रंगिना-संगिना सिमां माबोला गिथाव बारहुंखा। मिथिस' हाया हमदां मोना बेनो नामा सोरजिनि फाव हनथानि बारहुंखाया बिरबायनानै आं सानसे अन्यायनि लामाखौबो फोरमाय नांबाय बुजि मोनै जाहोनाव बेसेबा गुवार लैथोआव बुसोम जानांवाय दैनि दाहाराव। सोरनि अन्यायजों रंजानो सोरनि दुखुजों गाबफानो मिथि मोना बे मुलुगाव संसारनि माया गेलेनायाव सोरनि गेले होनायाव जानांखो दिदैं आलाय-सिलाय नोंजों आंजों सेरखाय-बेरखाय जाय दुखुखौ आं सानसे अराय सहाय नांबाय, थाबाय बियो दिदैं मुलुगनि आन्दोआव जिउनि बे बुब्लियाव। आय ! जाय जारिमिन आंनि अराय थांना थानायनि इयुन जिउनि थांखि। गोरोंन्थिआ सोरनि मिथि मोना रावबो खैफोतआ मानि ? जायखो गोसो खाडे जेबोला सावन-भाद्रनि दुंनय थिं-थिं सानदुं आवबो गोजांमिउ मोनो अब्लानो आं मुग्लायो। गोसो आंनि जेब्लायबो हास्थायो।

थरायना जयमा राणी ब्रह्म ।
जिल्ला: कक्राझार।

मानसि

“लाय होयोब्ला फाफिलयाव बारखोयो आदर खालामब्ला बुरखायदों सानो गहाम बोसोन होयोब्ला उल्टा मोखां जायो गहाम मावना होयोब्ला सिमान लाया फोथायोब्ला खहा खालामो सुखुनि बाभ्रायाव मेगन सायो दुखुनि बाभ्रायाव खाबु नाइगिरो मोजां मोनोब्ला दावदाव दोनो गावनि जाफुंसारबोला जानगर लाडे मानसिनि जेसेबां मोनो एसेबां नांगौ दोहोन दौलतनि खांखुवा जाबाय गिदिरा उन्दैखौ गादबना जायो बोलोगोराआ बोलोगैयैखौ सेरथेयो” बे बादि आखुथायनि जानाया गहाम ने ?

मंकर लाल बर' तितागुरी

नों रजेखौ

गोमोथाव नोंनि महरा रजे-- जेबोला नोंखौ नुयो जेराव-मेराव जेबोला नों थाबाय लाडे दाव दिंखुर बायदि जेबोला नोंनि राव खोनायो दाव मैनानि गारां अबोला आंखौनो आं बावगोमा फलाडे। आंखौनो आं बावगोमा फलाडे ! मोन्नाय मोनब्ला नोंनि अन्याय, आजावनाय मोनब्ला आंनि अन्याय। हाबाब मादि माया गोनं नोंनि महरा ? बे नोंनि समायना सोलेर महरानो आंनि बोदोर गोसो सोलेराव सिरिखरि जानानै बिरफाबाय थायोनों रजे-- आंनि जिउ सोलेरनि सेर-सेर। आंनि बोदोर जावलिथा गोसोआ नोंखौल' मोनो हास्थायसै रजे मा राहाजों मोनगोन इंसिबां गोमोथाव महर गोनं नों रजेखौ ॥

मुश्री सोर खुंगुर बर' ला:सो: चन्द्रपारा, कक्राझार।

रंजालि गथ'फोरनि सौरा

दोगोन गोहोमा

संसारि मानसिफोरा नंगौ नड बुंखायो बैयाव सोनारगोन नोंनि दोगोन गोहोमा

रैदोम बर', बाक्सा

आंनि मेगननि फैसालिआव नों

मेगननि फैसालिआव हाबना थाबाय नों ! आंनि गोबों बिखायाव अरायनि थाखाय जायगा लादोंमोन रजे.....नों....., माबोरै बावनो हाबावनो आं नोंखौ सना ॥ बावनो नाजाबानो दाहानि निजोरायासो..... बोहैग्लायो जेब्लाबो जिउआव..... ॥ गोबों बिखा सिंखाव-सिंखाव बोहैदोंमोन, नोंनि अन्याया आंनि लायमोन सोलेराव..... नोंनोथ' जासि हरग्रोदोंमोन मोजां मोन्नायनि इसाराखौ आंनो मुलुग संसाराव दिदैं..... नाथाय, दिदैं मा सानखो नों आंनि अन्याय आरो मोजां मोन्नाय नों अनसुला सना..... ॥ थार मोजां मोन्नायखौ नंखाय खालामना.... गोथार अन्यायखौ नेवसि गारना खालाम लानोसै नामा नों आंखौ लामानि सासे अन्यायनि बिबायारि महराव... नों जुदि आंनि गोबों बिखायाव हांमा होलांवा जानानै थागोन आं..... नोंजोंनो नेवसि गारजानाय गोथै सालिनि सासे भुत जानानै थागोन आं जोनोमाव। बावनो सानबाय नामा नों आंखौ स.....ना ॥ दं खालि आंनि गोबों बिखायाव नोंनि ल' अन्याय दिदैं....आरो थागोन अरायबो... ॥ ॥

थरायना राणी ब्रह्म ला:सो: दतमा। जिल्ला: कक्राझार।

अनजालि

नोंखौ नेनानै मँगिलबाय आंनि जीउमाया, जेब्ला फोथार- बारिआव बेरायनो थाडे, अब्ला साया- माया सिरिखरि सिखला जानानै मोसाफैनाय बायदि नुयो। दागुगालां नों रजे आंनि बिखानि मैला जानानै। आरोबाव हालिया आं सहायनो, आंनि गोबों इंसिनि दानानै दोनखानाय सनानि फनजारिआव हाबफैदो। नुदों आं सिमां नोंखौ लानानै- नोंखौ लानानै, सनानि देरा लुनो नाजादों आं सिमांखौ मोकथां खालामनो। दड हनै जिउनि लामायाव गसंथेनानै सुथुरफोरा हानजानि- हानजा मोजां मोनलायनायनि बेरेखा उदखारिफ्रा। थस' एउम्रानाय बायदि एउम्रानो आं नोंनि थाखाय। बोहैहोगोन उदखारिफोरनि थैनि बाना, दुगैगोन आं बिसोरनि थैजों बोहैहोगोन उदखारिफोरनि मेगननिफ्राय मोदैन बाना नोंनि थाखाय। सौंसि- सौंसि थांगोन आं हाग्रा- बंग्रा दैमा- दैसा, हाजो- हाला, बिलो- फुंखानि गेजेरजों। दैमाखौ बारनो हायाब्ला, सनानि बान्दो खोनानै होसोलांगोन आं नोंनि रैखानि थाखाय, अनजालि।

श्री गेरैमसा बरगवारी

मैदेरखर'

जिल्ला: कक्राझार (बि.टि.सि.)।

सोर नों ?

मुश्री समबारु दैमारी

सोर नों हायनारि बिखाया बेसेबा फिसा गोबानो सानो संसारखौ; जिउआ आंनि उन्दै बिलिरनो सानो मुलुगखौ। गोसोआ आंनि, आनदायबाय आं बे संसाराव; आंहा गोसोआव बबेनिबा रादाव फैदों रंगिना गाबजों बाजल' बायदों फिथिखा लुफावनाय सेंग्रा समाव। जोबनो गैयै गोसोनि हास्थाइनाय जिउनि आंग्रिनायाव, जोबनो रोडे गाबजों मा मैया दिन्थियो नों ? अननाय गिरि। बेनो आंनि गोसो।

रुमिखौ हास्थायो आं

सोर नुदों सोर खोनादों आंनि दुखु दाहाखौ, दावसि दावसायासो साखि दं, नोंखौ सानानै हारिसिं हाला बिबार बारि-बारि बेरायला बायनायखौ नुनानै जरा- जरा बिदैं सोबनो फैनाय सिरिखरि सुबुंफोरा आंखौ मिनिलांबाय। नोंखौ आं गोसो गोथारजों मोजां मोनो नाथाय नोंनिफ्राय अन्याय मोनो लुबैयो आं, मानोनों गोसो हगर सारना होआ नों, नोंनि बेबायदि गोदैं रावजों रायज्जायनाय फोरखौ लानानै जायो आं उसाव- बादव, सोगोनि अलंबार बायदि बेफोरखौ बावगार लांनंगौबा, आंनि गोसोआ हिमालय हाजो बायनाय बायदि बायनानै खाम्पा लुहैनो हायैबायदि आंनि मेगननिफ्राय निजोरा बोहैगोन अनजालि। रुमिनो गुबुननि थाखाय हांगार फिथर ब्लाबो आंनि थाखाय स'ना फिथर। गावखौ बिबार बारि-बारि बेरायनायखौ नुनायखाय, आंनि गोसोआ गनायगोन साना आंनो बिबार बारियाव बेरायगलां बायो, नाथाय गावखौ नुवाबा गोसोआ गनाया, मोना बिलि समाव थाडे आं नोंनि लांगोनायाव आंखौ नेना थागोन साना। नोंनि मिनिनायखौ नुयोबोला गोसोआ आंनि अखा मोफ्लामनाय बायदि मोनो। रुमिखौ हास्थायो आं अरायबो, लायजाम हरदोंमोन आं फिन्नाय मोनफिनासै, नाथाय.....बिबा सोरखौ हास्थायदों ?

गपाल रामचियारी जिल्ला: बाक्सा (बि.टि.सि.)

खारौ खान्दाय बिबार

मिस बरनि नार्जारी

आं हर गेजेरनि बारसे समायना बिबार मुंखो बुडे बयबो आंखौ खारौ खान्दाय हरावनो थुफियो, हरावनो बारो आरो हरावनो सिरिफिनो। अनसाया आरो लुबैया रावबो आंखौ खोनासडे आंनि जिउनि जारिमिन, सान अखांनि सान राजाजों नेवसि जानाय आंदि बारसे समायना बिबार। नाथाय मिथिगौ दानखोमसि हरनि फुर्णिमा अखाफोर गावदांआ आंनि हारिसिंडे गाबनाय आरो मिनि फिन्नायखौ हांमानि खन्थाय लिरनाय, दाहानि सल' लिरनायखौ बियो बुरखायो अनसायनायजों आंखौ फुंबिलि जारां सानजों रंजानो फागुन दाननि सुदेम बारजों मोसागलांनो नाथाय हायाखिसै आं निन्दा आरो मुं सुनायनि बे सोमखे मोखांखौ लानानै गावदां अखाफोरनि बोसोनखौ लाखिनो।

सैया-सैया खालामो अनजालुआ आंखौ

नै अनजालु नों आंखौ गोजाननिफ्राय नुब्लानो, मानो एरा-एरा खालाम लाडे ? मानिबा गोरोंन्थि बुंफलादों नामा आंलाय ? ना माबाफोर दाय मावफलादों नामा ? दिदैं नों आंखौ गारनानै, गुबुनखौ लानो सान्दों नामा ? बिदिब्ला नों मानो आगोलाव आंखौ मोजां मोनामोन ? दाना मानो सैया-सैया खालामखो ? सानदोंमोन नामा नों आंखौ सानैसोनि, थाखायल' मोजां मोनफ्लानो, आंखौ फागिलसो खालामनो सान्दोंमोन नामा नोंलाय अनजालु ? आं नोंखौ थैनानै थांब्लाबो नोंनि, महरखौ बावनो हानाय नड। आंनि थायने मेगनाव नोंनि, महरा जेब्लाबो साया-माया गेले फैनाय थागोन अनजालु। दाखालामसै नों आंखौ सैया-सैया।

मुश्रीमा सबानि नार्जारी भिलेज- नर्थ कचुगाँव दिस्त- कक्राझार।

